



BOSNA I HERCEGOVINA  
FEDERACIJA BOSNE I HERCEGOVINE  
AGENCIJA ZA BANKARSTVO  
FEDERACIJE BOSNE I HERCEGOVINE

## **IZMJENE**

# **SMJERNICA ZA IZVJEŠTAVANJE AGENCIJE ZA BANKARSTVO FEDERACIJE BOSNE I HERCEGOVINE O PRIMJENI ICAAP-A I ILAAP-A U BANCI**

**Sarajevo, maj / svibanj 2020. godine**

Na osnovu člana 19. Odluke o internom procesu procjene adekvatnosti kapitala i internom procesu procjene adekvatnosti likvidnosti u banci („Službene novine Federacije BiH“ br. 16/19 i 30/20), čl. 5. stav (1) tačka h) i 23. stav (1) tačka d) Zakona o Agenciji za bankarstvo Federacije Bosne i Hercegovine („Službene novine Federacije BiH“ broj 75/17) i člana 16 stav (1) tačka k) Statuta Agencije za bankarstvo Federacije Bosne i Hercegovine („Službene novine Federacije BiH“ broj 3/18), direktor Agencije za bankarstvo Federacije Bosne i Hercegovine dana 29.05.2020. godine, donosi

**IZMJENE  
SMJERNICA ZA IZVJEŠTAVANJE AGENCIJE ZA  
BANKARSTVO FEDERACIJE BOSNE I HERCEGOVINE  
O PRIMJENI ICAAP-A I ILAAP-A U BANCI**

**Član 1.**

U Smjernicama za izvještavanje Agencije za bankarstvo Federacije Bosne i Hercegovine o primjeni ICAAP-a i ILAAP-a u banci broj: 01-1338/19 od 16.04.2019. godine, mijenja se opis pozicije „7.8.1. Banka primijenjuje pojednostavljeni način izračunavanja internih kapitalnih zahtjeva za ostale značajne rizike“ i glasi:

„Potrebno je opisati pristup koji banka primjenjuje, obrazložiti odabrani postotak od 5-15% od ukupnog iznosa izloženosti banke riziku pomnoženog sa stopom od 12%, koja predstavlja propisanu stopu regulatornog kapitala. Pri tome je potrebno da banka detaljno dokumentuje izbor korištenog procenta (%) u navedenom rasponu, na osnovu uticaja tog rizika kojem je izložena ili bi mogla biti izložena u poslovanju“.

**Član 2.**

U Dodatku 2. „Upute za popunjavanje Izvještaja koji se dostavlja Agenciji“, poglavlje 7.8 tačka 1) se mijenja i glasi:

„1) pojednostavljena alternativa, koja je zasnovana na pristupu da banka umjesto mjerenja, odnosno procjene internih kapitalnih zahtjeva za pokriće ostalih rizika može podići interne kapitalne zahtjeve za 5% do 15% od ukupnog iznosa izloženosti banke riziku pomnoženog sa stopom od 12%, koja predstavlja propisanu stopu regulatornog kapitala, pri čemu je banka dužna navesti detaljnu i jasnu argumentaciju za izbor korištenog postotka u ovom rasponu na osnovu rizika kojima je izložena ili bi mogla biti izložena u poslovanju. Pri tome se osnovica za izračun utvrđuje korištenjem podatka o ukupnom iznosu izloženosti banke riziku, što predstavlja nazivnik prilikom izračuna stope regulatornog kapitala za pokriće kreditnog, tržišnog i operativnog rizika u okviru Stuba 1 iz COREP izvještajnog obrasca KA 2 - Kapitalni zahtjevi, iz reda 010, na koji se primijenjuje stopa od 12%. Množenjem osnovice sa odabranim procentom utvrđuje se interni kapitalni zahtjev za ostale značajne rizike u okviru ICAAP-a“.

**Član 3.**

Ove Smjernice stupaju na snagu danom donošenja i objavljuju se na službenoj web stranici Agencije.

**Broj: 01-2162/20  
Sarajevo, 29.05.2020. godine**

**DIREKTOR**

**Jasmin Mahmuzić, s.r.**